

دايم يجر حسراته و ما بطأت وتاته
ماهه جرحه و سمه لجل الأبو عبراته

يوم الذي نادى ابزنن يا عمه
رفعي بعجل ليه بطرف هالخيمه
شاف الشمر صاعد صدر بوالمه
و حز النحر فوگ الرمح هل دمه

منه الدمع ضل ينصب بويه انچتل يا زينب
منها ابتدت لچماته لجل الأبو عبراته

بين الخيم شاف الاهل تترامى
و شبّ العدو نار الحقد بخيامه
بنت الوصي اتلم النسا و ايتامه
جرح بجرح وسط الكلب يتطامى

چم طفلة نادت بوها لّمَا العدا ضربوها
مد للحرب نظراته لجل الأبو عبراته

درب السبي اعظم جرح للسجاد
و بين الملا سار الضعن بالأگیاد
كلما التفت يم الحرم و الاولاد
غص ابدمع ، وج ابهيه لّقاد

ويلي الاهل مچتوفه دخلوا بألم للكوفه
رد الدفن أمواته لجل الأبو عبراته

و رد ابألم يدفن جثث مذبوحه
و ابلا چفن لا هي بغسل مطروحه
لمن وصل جسم الأبو من نوحه..
كاد الولي لولا الصبر هد روحه

لولا الصبر و الله مات لمن دفن هاآيات
و لكن رخص دمعاته لجل الأبو عبراته

لمن خلص دفن الصحب و العطشان
و لئه بعجل باكي الاهل رد كوفان
و غال اندفن ابن النبي بالتربان
ضج الضعن بيه و ترامت الاحزان

طير المصايب چن حام و سار الضعن نحو الشام
و ما تنگطع أناته لجل الأبو عبراته

أعظم مصيبة اللي انفجع منها الحيد
تگل النبي لمن دخل عند ايزيد
جاب الرجس راس الولي و شال الإيد
بالمخصره الثغر السبط كسره يريد

زاد الرجس في ظلمه كسر ثغر بو اليمه
واگف وسط شماته لجل الأبو عبراته

شلون احتمل تگل المصيبة الصعبه
و هم المشاهد حاوطت له گابه
عاش ابحزن طول العمر و بغربه
حتم القضا و طير الحنف جت كربه

آخر أمر ضل بالبال راس الأبو عالعتال
روحه اطلعت بأهاته لجل الأبو عبراته